



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-05-38-35645-3/18
Sarajevo: 08.11.2018. godine


UNIVERZITET U SARAJEVU
MEDICINSKI FAKULTET
n/r Prof. dr. Semra Čavaljuga, dekan
ul. Čekaluša br. 90



PREDMET: Rješenje Ministarstva za obrazovanje, nauku i mlade Kantona Sarajevo broj: 11-05-38-35645-2/18 od 08.11.2018. godine, *dostavlja se*

Poštovani,

u prilogu dostavljamo Rješenje Ministarstva za obrazovanje, nauku i mlade Kantona Sarajevo broj: 11-05-38-35645-2/18 od 08.11.2018. godine.



Dostaviti:

- Naslovu
- a/a



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-05-38-35645-2/18
Sarajevo: 08.11.2018. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), a u vezi sa članom 32. Zakona o ustanovama („Službeni list RBiH”, br. 6/92, 8/93 i 13/94) ministar za obrazovanje, nauku i mlade Kantona Sarajevo, donosi

RJEŠENJE

Utvrđuje se da je Odluka dekana Medicinskog fakulteta Univerziteta u Sarajevu broj: 01-3-7452/18 od 19.10.2018. godine donesena na osnovu pravilne primjene člana 32. Zakonom o ustanovama („Službeni list RBiH”, br. 6/92, 8/93 i 13/94).

Obrazloženje

Ministarstvo za obrazovanje, nauku i mlade Kantona Sarajevo dana 19.10.2018. godine je zaprimilo odluku dekana Medicinskog fakulteta Univerziteta u Sarajevu broj: 01-3-7452/18 od 19.10.2018. godine koja je donesena pozivom na član 32. Zakona o ustanovama, a kojom se obustavlja od izvršenja Rješenje Upravnog odbora Univerziteta u Sarajevu broj: 02-200/18 od 07.09.2018. godine. Nadalje, dana 05.11.2018. godine Medicinski fakultet Univerziteta u Sarajevu je Ministarstvu za obrazovanje, nauku i mlade Kantona Sarajevo dostavio akt broj: 01-3-7930/18 od 05.11.2018. godine koji predstavlja dopunu pojašnjenja razloga za donošenje Odluke broj: 01-3-7452/18 od 19.10.2018. godine. U obrazloženju odluke dekana Medicinskog fakulteta Univerziteta Sarajevu broj: 01-3-7452/18 od 19.10.2018. godine, kao i u aktu broj: 01-3-7930/18 od 05.11.2018. godine, kao osnov za donošenje predmetne odluke navodi da bi se izvršenjem rješenja Upravnog odbora Univerziteta u Sarajevu broj: 02-200/18 od 07.09.2018. godine:

1. omogućilo sudjelovanje u nastavi koja se izvodi na Kliničkom centru Univerziteta u Sarajevu, koji predstavlja nastavnu bazu Medicinskog fakulteta Univerziteta u Sarajevu, nastavniku koji istovremeno nije i zdravstveni radnik, na koji način bi se počinio prekršaj iz člana 225. tačka (15) Zakona o zdravstvenoj zaštiti u Federaciji BiH („Službene novine Federacije BiH” broj: 46/10) i zbog kojeg postupanja bi Klinički centar Univerziteta u Sarajevu, kao nastavna baza Medicinskog fakulteta Univerziteta u Sarajevu, mogao biti prekršajno sankcionisan,
2. da bi odgovorna lica Medicinskog fakulteta Univerziteta u Sarajevu i Kliničkog centra Univerziteta u Sarajevu bila izložena opasnosti da budu novčano sankcionisana zbog



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



- izvođenja nastavnog procesa suprotno odredbama Zakona o zdravstvenoj zaštiti u Federaciji BiH,
3. da bi Kliničkom centru Univerziteta u Sarajevu, kao nastavnoj bazi Medicinskog fakulteta Univerziteta u Sarajevu, u skladu sa članom 225. Zakona o zdravstvenoj zaštiti u Federaciji BiH, zbog izvođenja nastave za potrebe Medicinskog fakulteta Univerziteta u Sarajevu, suprotno pomenutom Zakonu, mogla biti izrečena mjera zabrane obavljanja djelatnosti u periodu do šest mjeseci, s ciljem sprečavanja budućeg činjenja prekršaja, kao i
 4. da bi se nanijela materijalna i druga šteta, kako Medicinskom fakultetu Univerziteta u Sarajevu, tako i Kliničkom centru Univerziteta u Sarajevu, a u konačnici i široj društvenoj zajednici.

Također, u predmetnoj odluci i aktu navodi se da Upravni odbor Univerziteta u Sarajevu, rješavajući po prigovoru prof. dr. Ismeta Gavrankapetanovića, nije uzeo u obzir sve relevantne činjenice, niti je na bilo koji način iste doveo u vezu sa Zakonom o zdravstvenoj zaštiti u FBiH („Službene novine Federacije BiH“ broj: 46/10) kao propisom kojim se:

- reguliše izvođenje nastave za potrebe fakulteta zdravstvenog usmjerenja u zdravstvenoj ustanovi koja predstavlja nastavnu bazu,
- određuju nastavnici koji u skladu sa zakonom mogu izvoditi nastavu za potrebe fakulteta zdravstvenog usmjerenja u zdravstvenoj ustanovi koja predstavlja nastavnu bazu,
- uređuje odnos između fakulteta zdravstvenog usmjerenja i zdravstvene ustanove koja predstavlja nastavnu bazu,
- predviđa regulisanje svih pitanja koja proizilaze iz radnog odnosa za nastavnike zdravstvene radnike, kroz zaključivanje posebnog ugovora između zdravstvene ustanove i fakulteta zdravstvenog usmjerenja.

Medicinski fakultet Univerziteta u Sarajevu smatra da je postupanjem Upravnog odbora Univerziteta u Sarajevu prekršen član 6. Zakona o visokom obrazovanju („Službene novine Kantona Sarajevo“ broj: 33/17) koji propisuje da se na pitanja koja nisu uređena tim zakonom, primjenjuje Okvirni zakon o visokom obrazovanju u Bosni i Hercegovini i drugi propisi koji uređuju predmetnu oblast odnosno predmetno pitanje. U tom smislu, Medicinski fakultet smatra da je na osnovu člana 6. Zakona o visokom obrazovanju, Upravni odbor bio obavezan, rješavajući po prigovoru prof. dr. Ismeta Gavrankapetanovića, primijeniti Zakon o zdravstvenoj zaštiti u Federaciji BiH kao „drugi propis koji uređuje predmetnu oblast odnosno predmetno pitanje“, a to je pitanje postojanja zakonskih mogućnosti izvođenja nastave za potrebe Medicinskog fakulteta Univerziteta u Sarajevu od strane Kliničkom centra Univerziteta u Sarajevu, kao i pitanje zakonske mogućnosti sudjelovanja u nastavnom procesu nastavnika koji istovremeno nije „zdravstveni radnik“ odnosno uposlenik zdravstvene ustanove kojoj je priznat status nastavne baze. Nadalje, ističe se da bi Upravni odbor Univerziteta u Sarajevu, da je pravilno primijenio član 6. Zakona o visokom obrazovanju, utvrdio da Zakon o zdravstvenoj zaštiti u Federaciji BiH u članu 111. nedvosmisleno propisuje da nastavu u zdravstvenim ustanovama izvode nastavnici koji su istovremeno i zdravstveni radnici i to u zdravstvenoj ustanovi koja predstavlja nastavnu bazu za fakultet zdravstvenog usmjerenja. Također, ističe se da citirani član Zakona o zdravstvenoj zaštiti u Federaciji BiH postavlja nekoliko uslova koje mora ispunjavati nastavnik koji sudjeluje u izvođenju nastave u zdravstvenoj ustanovi koja predstavlja nastavnu bazu i to prije svega:

- da je nastavnik istovremeno i zdravstveni radnik,
- da je nastavnik zdravstveni radnik u radnom odnosu u zdravstvenoj ustanovi koja predstavlja nastavnu bazu i u kojoj se izvodi nastava,



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



- da nastavnik zdravstveni radnik, pored radnog odnosa koji ima u zdravstvenoj ustanovi, može zasnovati radni odnos sa najviše još jednim fakultetom zdravstvenog usmjerenja,
- da bi nastavnik zdravstveni radnik sudjelovao u izvođenju nastave za potrebe fakulteta zdravstvenog usmjerenja neophodno je da zdravstvena ustanova i fakultet zdravstvenog usmjerenja zaključe poseban ugovor kojim se preciznije uređuju pitanja iz radnog odnosa nastavnika zdravstvenih radnika koji sudjeluju u izvođenju nastave.

Dekana Medicinskog fakulteta Univerziteta u Sarajevu obrazlažući donošenje odluke broj: 01-3-7452/18 od 19.10.2018. godine, ističe da se prema Zakonu o zdravstvenoj zaštiti u FBiH, organizovanje nastave za studente fakulteta zdravstvenog usmjerenja vrši isključivo u bolnicama koje imaju status univerzitetske bolnice i da u tom smislu Klinički centar Univerziteta u Sarajevu, prema Zakonu o visokom obrazovanju, predstavlja nastavnu bazu koja zadovoljava sve uslove da realizuje nastavu za studente fakulteta zdravstvenog usmjerenja, a u konkretnom slučaju za studente Medicinskog fakulteta Univerziteta u Sarajevu. Također, naglašava se da Zakon o zdravstvenoj zaštiti u Federaciji BiH potpuno jasno i precizno, ne ostavljajući prostora za bilo kakve dileme i nejasnoće, propisuje koji nastavnici mogu izvoditi nastavu u zdravstvenim ustanovama za potrebe fakulteta zdravstvenog usmjerenja, naglašavajući da su to „nastavnici zdravstveni radnici“ te da upravo takva zakonska formulacija iz člana 111. stav (1) Zakona o zdravstvenoj zaštiti u Federaciji BiH, na potpuno jasan način definiše da se ne radi o licima koja su samo izabrana u akademsko odnosno nastavno zvanje, nego prije svega da se radi o zdravstvenim radnicima koji su uposlenici zdravstvene ustanove koja predstavlja nastavnu bazu i koji su od strane fakulteta zdravstvenog usmjerenja, u zakonom propisanom postupku, birana u nastavno zvanje. U tom smislu, ističe se da prema odredbama Zakona o zdravstvenoj zaštiti u Federaciji BiH, nastavu za studente fakulteta zdravstvenog usmjerenja koja se realizuje u bolnicama kojima je priznat status univerzitetske bolnice, mogu izvoditi samo lica koja su zaposlenici te ustanove i koja posjeduju izbor u akademsko zvanje te da ova dva uslova, Zakon o zdravstvenoj zaštiti u Federaciji BiH postavlja kumulativno, što znači da moraju biti istovremeno ispunjena oba uslova, a ne samo jedan. Nadalje, Medicinski fakultet Univerziteta u Sarajevu ističe da je u članu 111. stav (3) Zakona o zdravstvenoj zaštiti u Federaciji BiH propisano da zdravstvena ustanova i fakultet zdravstvenog usmjerenja ugovorom uređuju pitanja iz radnog odnosa u izvođenju nastave, što jasno ukazuje da se ugovorom koji zaključuju zdravstvena ustanova i fakultet zdravstvenog usmjerenja (u konkretnom slučaju Klinički centar Univerziteta u Sarajevu i Medicinski fakultet Univerziteta u Sarajevu) uređuju pitanja iz radnog odnosa nastavnika zdravstvenih radnika u izvođenju nastave te da je temeljem takve zakonske odredbe, potpuno legalno i legitimno za nastavnike koji su zdravstveni radnici, predvidjeti u ugovoru o radu postojanje dva radna odnosa i to jednog sa zdravstvenom ustanovom koja predstavlja nastavnu bazu i drugog sa fakultetom zdravstvenog usmjerenja. Shodno tome, ističe se da naznaka u ugovoru o radu koji je Medicinski fakultet Univerziteta u Sarajevu zaključio sa prof. dr. Ismetom Gavrankapetanovićem 2011. godine, a koji predviđa da ugovor o radu „...traje do okončanja rada u priznatoj nastavnoj bazi Medicinskog fakulteta“ nije u suprotnosti sa zakonskim propisima odnosno Zakonom o zdravstvenoj zaštiti u Federaciji BiH te da prestanak radnog odnosa na fakultetu zdravstvenog usmjerenja nastavniku koji izgubi status “zdravstvenog radnika“ u zdravstvenoj ustanovi koja predstavlja nastavnu bazu, nastupa po sili zakona, tako da je donošenje odluke od strane dekana Medicinskog fakulteta o prestanku radnog odnosa imalo samo deklaratorni karakter.

Slijedom navedenog, proizilazi i da naznaka u spornom ugovoru u radu koja podrazumijeva da se isti zaključuje na određeno vrijeme, nije proizvela nikakve štetne posljedice u odnosu na prava iz



web: <http://mon.ks.gov.ba>
 e-mail: mon@mon.ks.gov.ba
 Tel: + 387 (0) 33 562-128,
 Fax: + 387 (0) 33 562-218

Sarajevo, Reisa Džemaludina Čauševića 1



radnog odnosa za podnositelja prigovora, što dokazuje i činjenica da je imenovani na osnovu takvog ugovora o radu nesmetano uživao sva prava iz radnog odnosa od 2011. godine, kada je isti zaključen, pa sve do 2018. godine kada je dekan Medicinskog fakulteta Univerziteta u Sarajevu donio rješenje o prestanku ugovora o radu.

Sumirajući razloge za donošenje odluke broj: 01-3-7452/18 od 19.10.2018. godine, dekan Medicinskog fakulteta ističe da Zakon o zdravstvenoj zaštiti u Federaciji BiH izričito propisuje obavezu zdravstvene ustanove da nastavu za potrebe fakulteta zdravstvenog usmjerenja provodi isključivo na način koji nije u suprotnosti sa članom 111. pomenutog Zakona te da izvođenje nastave u zdravstvenoj ustanovi suprotno članu 111. Zakona predstavlja kršenje zakona odnosno prekršajno postupanje za koje se zdravstvenoj ustanovi može izreći novčana kazna u iznosu od 10.000,00 do 15.000 00 KM (član 225. Zakona). Ističe se također da je Zakonom propisano da će se za prekršaj kazniti i odgovorna osoba u zdravstvenoj ustanovi novčanom kaznom od 500,00 KM do 3.000,00 KM. Na kraju, naglašava se da je Zakonom predviđena i mogućnost da se, pored izricanja novčane kazne, za pomenuti prekršaj zdravstvenoj ustanovi može izreći i mjera zabrane obavljanja djelatnosti u periodu do šest mjeseci, s ciljem sprečavanja budućeg činenja prekršaja. Shodno svemu istaknutom, ističe se da sve navedeno ukazuje na opravdanost stava dekana Medicinskog fakulteta Univerziteta u Sarajevu, da bi se izvršenjem Rješenja Upravnog odbora Univerziteta u Sarajevu broj: 02-200/18 od 07.09.2018. godine, nanijela šteta kako Medicinskom fakultetu Univerziteta u Sarajevu, tako i Kliničkom centru Univerziteta u Sarajevu kao nastavnoj bazi, ali i široj društvenoj zajednici, s obzirom na činjenicu da postoji objektivna i realna opasnost da se izvršenjem rješenja Upravnog odbora, Medicinski fakultet Univerziteta u Sarajevu i Klinički centar Univerziteta u Sarajevu, izlože opasnosti prekršajnog sankcionisanja, ali i izricanja mjere zabrane rada Kliničkom centru Univerziteta u Sarajevu do šest mjeseci. U tom smislu, nesporno je da se donošenjem Rješenja Upravnog odbora Univerziteta u Sarajevu broj: 02-200/18 od 07.09.2018. godine Medicinski fakultet Univerziteta u Sarajevu i Klinički centar Univerziteta u Sarajevu izlažu opasnosti da krše zakonske propise, da budu prekršajno sankcionisani, a u konačnici da Kliničkom centru Univerziteta u Sarajevu bude izdata mjera zabrane obavljanja djelatnosti do šest mjeseci, što bi imalo nesagledive štetne posljedice kako po navedene javne ustanove tako i po interese društvene zajednice.

Razmatrajući odluku dekana Medicinskog fakulteta Univerziteta u Sarajevu broj: 01-3-7452/18 od 19.10.2018. godine u svjetlu naprijed iznesenih argumenata kao i pozitivnih zakonskih i podzakonskih propisa, Ministarstvo za obrazovanje, nauku i mlade Kantona Sarajevo cijeni da je predmetna odluka dekana Medicinskog fakulteta Univerziteta u Sarajevu pravno osnovana, da se istom sprečava nastanak štete za Medicinski fakultet Univerziteta u Sarajevu, Univerzitet u Sarajevu ali i za Klinički centar Univerziteta u Sarajevu kome je priznat status nastavne baze, te da se istovremeno sprečava ugrožavanje prava studenata na obrazovanje u skladu sa pozitivnim zakonskim propisima. Također, predmetnom odlukom prevenira se nastanak štete za širu društvenu zajednicu, posebno u svjetlu činjenice da je djelatnost visokog obrazovanja od posebnog društvenog značaja i interesa za Kanton Sarajevo (član 2. Zakona o visokom obrazovanju) kao i da zdravstvena djelatnost predstavlja djelatnost od posebnog interesa za Federaciju Bosne i Hercegovine (član 31. stav 3. Zakona o zdravstvenoj zaštiti u Federaciji BiH). Temeljem navedenog ovo ministarstvo cijeni nespornim da je osiguranje nesmetanog uživanja prava studenata na izvođenje nastavnog procesa u skladu sa pozitivnim zakonskim propisima, kako u oblasti visokog obrazovanja, tako i u oblasti zdravstva, interes šire društvene zajednice. Nadalje, proizilazi da bi izvođenjem nastavnog



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



procesa koje nije usklađeno sa pozitivnim zakonskim propisima, postojala realna opasnost da se ugroze, ne samo pravo studenata na obrazovanje, nego i da se nanese šteta društvenoj zajednici kroz slabljenje povjerenja javnosti u funkcionisanje i rad javnih ustanova, a u konkretnom slučaju rad Medicinskog fakulteta Univerziteta u Sarajevu, Univerziteta u Sarajevu te Kliničkog centra Univerziteta u Sarajevu. Polazeći od činjenice da je djelatnost visokog obrazovanja od posebnog društvenog značaja i interesa za Kanton Sarajevo (član 2. Zakona o visokom obrazovanju), da se njenim obavljanjem zadovoljava šira društvena potreba, pored ostalog i kroz školovanje studenata na fakultetima zdravstvenog usmjerenja, ovo ministarstvo cijeni da bi ugrožavanje redovnog odvijanja nastavnog procesa predstavljalo ozbiljan rizik koji može prouzrokovati neprocjenjivu štetu za širu društvenu zajednicu.

U cilju potpunog pravnog razjašnjenja svih okolnosti i razloga kojim se rukovodio Medicinski fakultet Univerziteta u Sarajevu kod donošenja odluke broj: 01-3-7452/18 od 19.10.2018. godine, Ministarstvo za obrazovanje, nauku i mlade Kantona Sarajevo je uvažavajući odredbu člana 6. Zakona o visokom obrazovanju koji je u primjeni na području Kantona Sarajevo, zatražilo zvanično izjašnjenje Federalnog ministarstva zdravstva u odnosu na pravilnu primjenu čl. 110. i 111., a u vezi sa članom 137. Zakona o zdravstvenoj zaštiti u Federaciji BiH. Ministarstvo za obrazovanje, nauku i mlade Kantona Sarajevo je u tom smislu zatražilo zvanično izjašnjenje Federalnog ministarstva zdravstva na upit da li nastava koja se za potrebe fakulteta zdravstvenog usmjerenja realizuje u bolnici kojoj je priznat status univerzitetske bolnice, predstavlja istovremeno i zdravstvenu djelatnost, kao i da li nastavu u bolnici koja ima status univerzitetske bolnice mogu izvoditi lica koja posjeduju akademsko/nastavno zvanje, ako istovremeno nisu u radnom odnosu sa tom zdravstvenom ustanovom, niti su zaključila ugovor o angažmanu sa zdravstvenom ustanovom u kojoj se nastava izvodi.

U odnosu na postavljene upite, Federalno ministarstvo zdravstva je u svom aktu broj: 01-37-6567/18 od 06.11.2018. godine naznačilo da je prijedlog statusa univerzitetske/sveučilišne bolnice dodijelilo samo kliničkim centrima u Federaciji BiH, u skladu sa članom 104. Zakona o zdravstvenoj zaštiti u Federaciji BiH, kao i u skladu sa odredbama Pravilnika o uvjetima koje moraju ispunjavati bolnice za dodjelu naziva sveučilišna bolnica. U tom smislu, ističe se da su javni univerziteti/sveučilišta Kantona Sarajevo, Tuzlanskog kantona i Hercegovačko-neretvanskog kantona dodijelili naziv sveučilišna bolnica kliničkim centrima Sarajevo, Tuzla i Mostar, shodno Zakonu o zdravstvenoj zaštiti i naprijed pomenutom Pravilniku te kantonalnim propisima o visokom obrazovanju.

Nadalje, Federalno ministarstvo zdravstva je u svom aktu, u odnosu na postavljene upite od strane ovog ministarstva, zauzelo stav „da nastava koja se za potrebe fakulteta zdravstvenog usmjerenja realizira u bolnici kojoj je priznat status univerzitetske/sveučilišne bolnice predstavlja istovremeno i zdravstvenu djelatnost“, kao i da „nastavu u bolnici koja ima status univerzitetske/sveučilišne bolnice, ne može izvoditi osoba koja posjeduje akademsko/nastavno zvanje, ako nije istovremeno u radnom odnosu sa tom zdravstvenom ustanovom ili nema zaključen ugovor o aranžmanu sa zdravstvenom ustanovom u kojoj se izvodi nastava“.

Cijeneći iskazani stav Federalnog ministarstva zdravstva u naprijed naznačenom aktu, Ministarstvo za obrazovanje, nauku i mlade Kantona Sarajevo je stava da bi sudjelovanjem u izvođenju nastave, koja istovremeno predstavlja i zdravstvenu djelatnost, lica koje prema Zakonu o zdravstvenoj zaštiti u Federaciji BiH ne ispunjava uslove da istu realizuju, predstavljalo ozbiljno nanošenje štete Medicinskom fakultetu Univerziteta u Sarajevu kao obrazovnoj ustanovi, Univerzitetu u Sarajevu



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



kao i Kliničkom centru Univerziteta u Sarajevu te da bi prouzrokovalo nepopravljivu štetu u odnosu na prava studenata kao i interese šire društvene zajednice.

Činjenica da postoji opasnost da se Kliničkom centru Univerziteta u Sarajevu kao priznatoj nastavnoj bazi, ukoliko omogući izvođenje nastavnog procesa za potrebe studenata Medicinskog fakulteta Univerziteta u Sarajevu suprotno članu 111. Zakona o zdravstvenoj zaštiti u Federaciji BiH, izrekne mjera zabrane obavljanja djelatnosti u periodu do šest mjeseci, s ciljem sprečavanja budućeg činjena prekršaja, predstavlja dovoljan osnov da se odluka dekana Medicinskog fakulteta Univerziteta u Sarajevu broj: 01-3-7452/18 od 19.10.2018. godine smatra pravno osnovanom. Ukoliko bi se Kliničkom centru Univerziteta u Sarajevu kao nastavnoj bazi izrekla mjera zabrane obavljanja djelatnosti iz naprijed pomenutog razloga, to bi moglo prouzrokovati obustavu nastavnog procesa što bi rezultiralo nastankom teško popravljive štete po Medicinski fakultet Univerziteta u Sarajevu, Univerzitet u Sarajevu, Klinički centar Univerziteta u Sarajevu, studente ali i u odnosu na interese šire društvene zajednice.

Ovo ministarstvo je stava da Zakon o visokom obrazovanju u članu 6. obavezuje visokoškolsku ustanovu da u svom radu primjenjuje i druge propise koji se odnose na segmente njenog rada koji nisu normirani Zakonom o visokom obrazovanju, ali su uređeni posebnim zakonima. U tom smislu, Zakon o visokom obrazovanju upućuje na primjenu Zakona o zdravstvenoj zaštiti u Federaciji BiH koji predstavlja propis koji ima prioritet u primjeni u odnosu na Zakon o visokom obrazovanju. Nadalje, ovo ministarstvo cijeni da je prema odredbama Zakona o zdravstvenoj zaštiti u Federaciji BiH nesporno da nastavu u zdravstvenoj ustanovi koja predstavlja nastavnu bazu, za potrebe fakulteta zdravstvenog usmjerenja, mogu izvoditi samo lica koja se zakonski definišu kao „nastavnici zdravstveni radnici“ odnosno kao zdravstveni radnici koji su uposlenici te zdravstvene ustanove ili koji imaju ugovorni odnos sa tom ustanovom, kako se to navodi i u naprijed pomenutom aktu Federalnog ministarstva zdravstva. U konkretnom slučaju, prof. dr. Ismetu Gavrankapetanoviću je na lični zahtjev prestao radni odnos sa Kliničkim centrom Univerziteta u Sarajevu koji predstavlja nastavnu bazu za izvođenje nastave za potrebe studenata Medicinskog fakulteta Univerziteta u Sarajevu. Također, za ovo ministarstvo je nesporno da je ugovorom o uređivanju međusobnih odnosa u djelatnostima obrazovanja, naučnog, istraživačkog, zdravstvenog i izdavačkog rada od 04.04.2016. godine koji su zaključili Medicinski fakultet Univerziteta u Sarajevu i Klinički centar Univerziteta u Sarajevu predviđeno da akademsko osoblje Kliničkog centra Univerziteta u Sarajevu „...sklapa ugovor o radu sa Fakultetom“ na dio radnog vremena u skladu sa odredbama Zakona o zdravstvenoj zaštiti u Federaciji BiH (član 42. Ugovora) odnosno da će Medicinski fakultet „svakom akademskom izabraniku koji je zaposlenik Kliničkog centra Univerziteta u Sarajevu ponuditi na potpisivanje „ugovor o radu“ (član 43. stav 2. ugovora). S obzirom na činjenicu da je u članu 111. Zakona o zdravstvenoj zaštiti u Federaciji BiH propisano da nastavnici zdravstveni radnici koji izvode nastavu u zdravstvenim ustanovama za potrebe fakulteta zdravstvenog usmjerenja, mogu zasnovati istovremeno radni odnos sa jednom zdravstvenom ustanovom i jednim fakultetom zdravstvenog usmjerenja, na način da u svakoj ustanovi, odnosno fakultetu zdravstvenog usmjerenja obavljaju poslove sa nepunim radnim vremenom, tako da njihovo puno radno vrijeme bude usaglašeno sa radnim vremenom utvrđenim propisima o radu (stav 1.), kao i da zdravstvena ustanova i fakultet zdravstvenog usmjerenja ugovorom uređuju pitanja iz radnog odnosa u izvođenju nastave (stav 2.), ovo ministarstvo cijeni da pojedinačni ugovori o radu koje Medicinski fakultet Univerziteta u Sarajevu zaključuje sa izabranim članovima akademskog osoblja, moraju biti usklađeni sa zaključenim ugovorom između Medicinskog fakulteta Univerziteta u Sarajevu i Kliničkog centra Univerziteta u Sarajevu. Također, ovo ministarstvo je



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1




stava da je ugovor o radu koji je Medicinski fakultet Univerziteta u Sarajevu zaključio sa prof. dr. Ismetom Gavrankapetanovićem u cijelosti bio usklađen sa ugovorom o uređivanju međusobnih odnosa u djelatnostima obrazovanja, naučnog, istraživačkog, zdravstvenog i izdavačkog rada koji su zaključili Medicinski fakultet Univerziteta u Sarajevu i Klinički centar Univerziteta u Sarajevu, a koji je zasnovan i na odredbama Zakona o visokom obrazovanju i na odredbama Zakona o zdravstvenoj zaštiti u Federaciji BiH.

U tom smislu, Ministarstvo za obrazovanje, nauku i mlade Kantona Sarajevo smatra da se pojedinačnim ugovorima o radu, koje zaključi Medicinski fakultet Univerziteta u Sarajevu sa izabranim članovima akademskog osoblja koji nastavu izvode u zdravstvenoj ustanovi kao nastavnoj bazi, ne mogu derogirati odredbe ugovora koji su prethodno zaključili Medicinski fakultet Univerziteta u Sarajevu i Klinički centar Univerziteta u Sarajevu. Za ovo ministarstvo je nesporno da ugovor o radu koji je sa Medicinskim fakultetom Univerziteta u Sarajevu svojevrijem potpisao prof. dr. Ismet Gavrankapetanović, a koji sadrži odredbu da „traje do okončanja rada u priznatoj nastavnoj bazi Medicinskog fakulteta...“ (član 1. ugovora) prestaje po sili zakona odnosno kada zbog prestanka rada u nastavnoj bazi prestaju postojati i zakonske pretpostavke za njegovo sudjelovanje u izvođenju nastavnog procesa u nastavnoj bazi.

Slijedom naprijed navedenog, Ministarstvo za obrazovanje, nauku i mlade Kantona Sarajevo cijeni nespornim da bi sudjelovanjem u nastavnom procesu lica koja prema zakonskim propisima ne mogu izvoditi nastavu u zdravstvenoj ustanovi koja predstavlja nastavnu bazu, bila nanesena nesaglediva šteta Medicinskom fakultetu Univerziteta u Sarajevu, Univerzitetu u Sarajevu, Kliničkom centru Univerziteta u Sarajevu, studentima Medicinskog fakulteta Univerziteta u Sarajevu, kao i široj društvenoj zajednici. Polazeći od utvrđene nadležnosti Ministarstva za obrazovanje, nauku i mlade Kantona Sarajevo kao organa uprave koji u skladu sa zakonom vrši nadzor nad radom visokoškolskih ustanova u oblasti obrazovanja (član 10. Zakona o visokom obrazovanju), kao i odredbe člana 32. Zakona o ustanovama („Službeni list RBiH“, br. 6/92, 8/93 i 13/94) koja propisuje postupanje organa uprave koji vrši nadzor nad zakonitosti rada ustanove u slučaju zaprimanja odluke rukovodioca ustanove kojom se obustavlja od izvršenja pojedinačni akt kojim se nanosi šteta ustanovi ili društvenoj zajednici, te cijeneći sve dokaze i okolnosti predmetnog slučaja kako pojedinačno tako i u njihovoj međusobnoj povezanosti, odlučeno je kao u dispozitivnu.

Pouka o pravnom lijeku: Protiv ovog rješenja nije dopuštena žalba, ali se može pokrenuti upravni spor pred Kantonalnim sudom u Sarajevu u roku od 30 dana od dana prijema rješenja.



Dostaviti:

- Medicinski fakultet Univerziteta u Sarajevu, ul. Čeklauša br. 90.,
- Upravni odbor Univerziteta u Sarajevu, ul. Obala Kulina bana br. 7.,
- Rektor Univerziteta u Sarajevu, ul. Obala Kulina bana br.7.,
- Prof. dr. Ismet Gavrankapetanović (putem advokatske kancelarije Galijatović-ul. Jadranska br.1),
- a/a



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

